

Dumonda Gartmann-Albin concernent morsas ed annunzias a la protecziun d'animals en connex cun la tegnida da chauns

Dapi il 1. da schaner 2017 n'èsi betg pli obligatoric per possessuras e possessurs da chauns da far l'attest davart las enconuschientschas da la materia (AEM).

En spezial per persunas che han per l'emprima giada in chaun fissan quests curs fitg raschunaivels. Perquai ch'il AEM ha pudì meglierar fermamain las cumpetenzas en chaussa da las possessuras e possessurs da chauns ed intermediar ad ellas ed els il tractament e la tegnida dals animals. Uschia han pudì vegnir reducids tant problems concernent la protecziun dals animals sco er concernent la segirezza.

Gia en la debatta da l'october 2017 davart l'incumbensa Danuser concernent l'introducziun da l'attest obligatoric da las enconuschientschas da la materia per possessurs da chauns èsi vegnì rendì attent ch'i vegnian – senza curs – a s'augmentar morsas e cas da la protecziun d'animals, perquai ch'i manchian la cumpetenza en chaussa e la tegnida adequata. Tenor il preventiv 2020 da l'Uffizi per la segirezza da victualias e per la sanadad d'animals è quai displaschaivlamain sa cumprovà.

Las sutsegnadras ed ils sutsegnaders dumondan ussa la Regenza:

1. Datti in augment da las morsas dapi ch'il AEM è vegnì annullà (1. da schaner 2017)? En tge dimensiun?
2. Co sa preschantan las cifras en la cumparegliaziun da 5 onns avant, durant e dapi l'annullaziun dals curs?
3. È vegnì constatà in augment da cas da la protecziun d'animals (tegnida da chauns) dapi l'annullaziun dal AEM e co sa preschantan las cifras e la grevizza dals cas?
4. En cas ch'igl è vegnì constatà in augment da las morsas e dals cas da la protecziun d'animals, tge quinta la Regenza da far per reducir tals cas?

Cuira, ils 19 da zercladur 2020

Gartmann-Albin, Danuser, Baselgia-Brunner, Brandenburger, Cahenzli-Philipp, Crameri, Degiacomi, Deplazes (Cuira), Gasser, Hofmann, Horrer, Mittner, Müller (Favugn), Natter, Niggli (Samedan), Niggli-Mathis (Grüsch), Perl, Preisig, Rettich, Rutishauser, Schwärzel, Thomann-Frank, Thöny, von Ballmoos, Widmer-Spreiter (Cuira), Wilhelm, Pajic